

remo del debito nostro, oder ewer Alteza wölle nit zweiffeln / dann wir seind deswegen hier / sie seyen versichert / dz wir an vnserm schul-  
 digen Fleiß vnd Dapfferkeit nichts wölle crmanglen lassen / sein Al-  
 teza aber begabe sich widerumben auff die Galea Reale, vnd neben der  
 selbigen fuhren die zwo General Galeen, als der Colona & veniero,  
 die dann in wehrendem Treffen alles nach höchstem Verstand anord-  
 neten / da hörete man von Trommeten / Zincken / Pauken vñ Pfeiffen /  
 ein heroisches Kriegsgeschrey / der Mars aber mit seinem grossen Ge-  
 thön des groben geschützes / liesse sich also hören / daß es Menschlich  
 darvon zureden / dem grossen Tag des H. Erzen ein Vorbildung gewe-  
 sen / es machte auch diser Pompa vnd schöne Ordinantz / dem Kriegs-  
 volck Hertz vnd Muth / vnd alles Volck schrey mit heller Stim: Gott  
 Batten Sohn vnd H. Geist / stärke vnser Arm / vnd komme vns zu  
 hülff / vmb veines Namens willen / auff daß dein Erbtheil nit gar zer-  
 streuet werde / etc. Was dises Schlagen / Krachen / schreyen vnd Pli-  
 ken / für ein grausames Ansehen vnd Spectacul gewesen / das haben  
 mir / der ich dises schreibe / die jenige Personen / so darben waren / viel-  
 mals / vnd zu lustigem Anhören Mundlich zuerkönnen gegeben. In  
 sonderheit zaigt mir der Sigr: Simon Cornelius von Anttorff / in glei-  
 chem der Maister Hans Hertz / Platner von Veldkirch an / das für-  
 nemlich in disem Treffen die .6. Benedische Galeazzen gleich zum An-  
 fang durch der Türcken Armata gefahren / vnd mit dem groben Ge-  
 schütz hinten / vornen / vnd zu beden Seiten / solcher massen gespilt / dz  
 sie den Feind in Belde auß seiner Ordnung gebracht vnd zertrent / In  
 nen folgten die andere Galeen nach / daher ein erschrockliches treffen  
 biß in .4. Stund lang geschah / vnd man jedoch bald spüren thete /  
 daß der Allmächtige Gott die Victoria den Christen in die Hand ge-  
 geben. Deswegen sie forthan mit vnerschrockenem Herten in den  
 Feind setzten: darüber dem Mehemet Sirocco das Hertz also endtsal-  
 len / daß er sich mit der Flucht salvieren wolte. Aber der lincke Flügel  
 der Christen Armata, welchen wie vornen gemelt / der Augullino Bar-  
 barigo regierte / ersah seinen Vorthail bey einem Berglin Malcanto-  
 ne genant / vnd nahend am Gestadt / dergestalt / daß er den Sirocco  
 ganz einschlosse / darauß dann ein gar ernstliches Treffen erfolgte.  
 Sintemahlen oft .2.3. ja biß in .6. Galeen zusammen gefesselt / damit  
 man darob gnugsamen Platz hatte / das Volck in ein Schlachtord-  
 nung zustellen / vnd also mit dem Handgeschosz vnd von der Faust /  
 sehr Mannlich traffen vnd schlugen. Es wurde auch durch das Feuer  
 werck dem Feind mit anzündung seiner Galeen, vnd verbrennung  
 seines Volcks in disem engen Paß ( da man nicht weichen könte )  
 also

Ein gro-  
 ses Kriegs-  
 geschrey  
 sampt dem  
 Martiali-  
 schen Ge-  
 thön wirdt  
 gehört.

Mehemet  
 Sirocco  
 wolte sich  
 mit der  
 Flucht sal-  
 vieren.